



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 33. Epistolæ ad Patriarchas.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. *ples.* Tum describit, quanta mala in
 A. C. 817. hac persecutione sustineant, & subjun-
 git: *Veni ergo ab Occidente in auxilium
 nostrum. Tibi dixit Iesus Christus:*
*Luc. 21. Confirma fratres tuos! nunc confirman-
 di tempus & locus est. Porrige nobis
 manum, qui potestatem a Deo habes,
 cum sis omnium Princeps. Audiat Ec-
 clesia, quæ sub Cælo est, quod in Synodo
 illos anathematizes, qui Patres nostros a-
 nathematizare ausi sunt. Sic opus facies
 Deo acceptum, concussos firmabis, for-
 tes stabilies, lapsos eriges, gaudium dabis
 Orthodoxæ Ecclesiæ universæ, gloriam
 tibi paries immortalem, imitator Ante-
 cessorum tuorum, qui afflati a Spiritu
 Sancto similibus Ecclesiæ temporibus ea,
 quæ modo a te exspectamus, effecerunt.*

§. XXXIII.

Epistolæ ad Patriarchas.

ep. 14. Theodorus suo tantum nomine dedit
 Epistolam ad Patriarcham Alexan-
 drinum, quem non nominat, forte quod
 nomen ejus nesciret, quia Christianis
 sub potestate Musulmannorum positus
 litteras dare aut accipere non licebat.
 In ea Epistola magis accurate persecu-
 tionis calamitatem describit, quod eum,
 ad quem litteras dabat, ista ignorare
 crederet. Inter alia dicit: *Everfa sunt
 Altaria, templa Domini etiam in Mo-
 naste-*

nasteriis devastata. Ille ipse, qui cervi-
 cibus vestris incumbit Arabs, mitius for-
 sitan hac in parte erga Christum se ge-
 rit. Et post alia: Episcopi & Sacerdo-
 tes, Monachi & Sæculares, omnis sexus
 & omnis ætas labefactata. Alii quidem
 circa fidem naufragium passi sunt, alii
 fidem intus servantes hæretica saltem Com-
 munionem involvuntur. Super sunt tamen,
 qui non curvaverunt genua ante Baal, &
 ante alios, qui primus est inter nos, Pa-
 triarcha noster. Ex his vero alii ludi-
 briis & verberibus tentati fuerunt, illi
 in vinculis & carceribus pane modico &
 aqua vitam trabunt, alii relegati, alii in
 desertis & montibus, in speluncis terræ
 versantur. Quidam flagellis usque adeo
 cæsi, ut Martyres ad Dominum emigra-
 verint, sunt, qui sacco inclusi noctu in
 mare demersi vitam finierunt. Quid cæ-
 tera? anathemate feriuntur Patres no-
 stri, memoria impiorum celebratur, in-
 fantes perversa dogmata ex illo, qui Ma-
 gister traditus est, libro in scholis hau-
 riunt. Si quis sanam Doctrinam præ-
 dicat, mox instant insidiæ. Non vir a
 conjuge sua tutus, mille exploratores ad
 Imperatorem deferunt, an quis a fide i-
 psius discrepet, an cum Hæreticis non com-
 municet, an imaginem domi habeat, aut
 librum de imaginibus scriptum, aut an
 exulem recipiat, aut captivo pro Christi

Sæculum IX.
 A. C. 817.

Sæculum IX. *amore ministret. Quod si deprehendatur talis, illico rapitur, cæditur, relegatur.* Unde videas, *judicii metu, Dominos mancipiis suis adulari. Propterea nomine omnium opem tuam efflagito, & quamvis aliter juvare non posses, scio tamen precum saltem subsidium nobis magnam emolumentum in extrema necessitate allaturum.*

ep. 15. Theodorus Patriarchæ Antiocheno similem ac Alexandrino Epistolam misit; illa vero, quam ad Patriarcham Jerosolymitanum dedit, diversa est. In ea dicit: *Primus Patriarcharum es, quamvis numero quintus, ob dignitatem loci, in quo JEsus Christus versatus fuit. Rogat, ut Dionysio Monacho hujus Epistolæ latori faveat, quo facilius alias quoque, quas deferebat, verisimiliter ad duos alios Patriarchas & Palæstinæ Abbates, reddere posset. Nam simul etiam Theodorus ad Abbatem Lauræ S. Sabæ, item ad Abbates S. Theodosii, S. Charitonis, & S. Euthymii litteras dabat. His Epistolis descripta exemplaria cujusdam sermonis ab Iconoclastis editi, & ejusdem Refutationis a S. Theodoro compositæ, junctæ erant.*

Quamvis Theodorus dicat, se nullum aliud ab his Epistolis emolumentum expectare, quam eorum, ad quos datæ erant, pias preces, maximum tamen inde bonum

bonum eveniebat, quod consensus Uni-
 versæ Ecclesiæ in cultum SS. Imaginum
 demonstraretur, cum Fideles Orientales
 Imperatoris Constantinopolitani metus
 non turbaret. Tunc Patriarcha Alexan-
 drinus Melchita Christophorus, & An-
 tiochenus Job erat. Neutrius Respon-
 sum reperimus, at dubium non est, quin
 responsum dederit Thomas Patriarcha
 Melchita Jerosolymitanus, qui, hanc Se-
 dem anno octingentesimo undecimo ad-
 eptus, annis decem ut diximus sedit,
 nempe usque ad annum octingentesimum
 vigesimum primum. Imo ad causam Ec-
 clesiæ defendendam misit Constantino-
 polim duos Monachos S. Sabæ Theodo-
 rum & Theophanem. Fratres erant pa-
 tria Jerosolymitani. Theodorus a pri-
 mis annis illius Monasterii Alumnus in
 litteris & pietate institutus est. Unde
 videmus tam in Oriente quam in Occi-
 dente in Monasteriis Scholas fuisse. Eum
 Patriarcha Presbyterum ordinavit, &
 quidam Senex, olim Magister ipsius, de
 eo vaticinatus est, quod aliquando Mar-
 tyrium esset subiturus. Erat Theodo-
 rus doctissimus, namque etiam defensionem
 Veritatis editis libris in se suscepit.
 Ubi cum fratre suo Constantinopolim
 pervenit, primo Theodotum Patriarcham
 adiit, & Hæresim virili vigore exprobra-
 vit. Deinde cum obvium habuisset Im-

Sæculum IX.

A. C. 817.

Sup. Lib.

XLV. §. 56.

vit. ap. Sur.

26. Dec. to.

6. p. 1094.

Sæculum IX. A. C. 817. peratorem, pari libertate locutus est. Imperator primum Viri virtutes reverentus dissimulavit, eoque ad se vocato, longos sermones miscuit; sed, constantissimum expertus, eum & fratrem ipsius Theophanem flagellis cædi jubet, mittitque ad Ponti Euxini ostia, editis mandatis, ne quis iis aut cibum aut operimentum daret. Verum Leone Imperatore brevi postea e vivis sublatis non diu ibi manserunt. Unde conjectura est, ipsos ante annum 820. Constantinopolim non venisse.

§. XXXIV.

Papa Catholicos confirmat.

Theodotus Patriarcha Constantinopolitanus suo nomine Paschali Papæ scripsit, misitque Apocrisarios, quibus Papa adhuc longe distantibus nunciari jussit, ne in conspectum suum venirent. Ob hoc factum gratias egit Pontifici S. Theodorus Studita, data Epistola, in qua dicit: *Vos igitur illimis ac sincerus ab initio fons orthodoxæ veritatis, Vos adversum omnem Hæreticam procellam tranquillus sepositus portus, Vos a Deo electa Civitas refugii & Salutis.* Hanc Epistolam Epiphonio discipulo suo defendendam tradidit, adjecitque aliam ad Methodium Nicephori Patriarchæ Romæ Apocrisarium. Erat Methodius natione

ep. 15.

vit. ap. Boll.
10. Jun.
p. 962.